

აგრესიული სტუმარი

ტაშკენტი. “ფახთაქორის” სტადიონი. 11 ოქტომბერი.

“ფახთაქორი” (ტაშკენტი) – “დინამო” (თბილისი) 0:1 (0:1).

“ფახთაქორი”: ფილატოვი, ივანკოვი, მოგილნი, სეროსტანოვი, ბასოვი, ყუკოვი, ვარლიუხინი (იაფაროვი), ისაკოვი, ბელოვი, ერემეევი, ხაძიპანავისი.

“დინამო”: იმნაძე, ძოძუაშვილი, ჭელიძე, ებრალიძე, ხინჩაგაშვილი, ქორიძე, ასათიანი (გ. მაჩაიძე), მ. მაჩაიძე, ესებუა, გუცაევი, დარასელია.

მსაჯი: ა. ბალიანი)ბაქო).

დუბლიორები – 1:1.

თბილისის დინამოელებმა შეძლეს უაღრესად საჭირო 2 ქულის მოპოვება “ფახთაქორთ”, რომელიც სახიფათო ზონაშია და ყოველნაირად ცდილობს უმაღლეს ლიგაში ადგილის შენარჩუნებას.

მასპინძლებმა აქტიურად დაიწყეს თამაში და ერემეევს მიეცა კიდევ ანგარიშის გახსნის შესაძლებლობა. მე-10 წუთზე თბილისელებმა საპასუხო იერიში განავითარეს, კარგად ითამაშა გუცაევა, ორთაბრძოლა მოუგო ბასოვს და ზუსტი დარტყმით აიღო ტაშკენტელთა კარი.

ტერიტორიულ უპირატესობას კარგა ხანს მასპინძლები ფლობდნენ, მაგრამ თბილისელებმა მოაწესრიგეს ურთიერთმოქმედება ნახევარდაცვაში, საიმედოდ ითამაშეს მცველებმაც და, ამას გარდა, თავი გამოიჩინა ახალგაზრდა მეკარე იმნაძემ, რომელმაც რამდენიმე ძნელი ბურთი აიღო.

შესვენების შემდეგ ტაშკენტელებს საკმაო ხანს დიდი ტერიტორიული უპირატესობა ჰქონდათ, დინამოელებმა მათ მაღალი ტემპის განვითარების საშუალება არ მისცეს, შემდეგ კი კონტრიერიშები განავითარეს, რომელთა დროს ხელსაყრელ პოზიციაში აღმოჩნდნენ გუცაევი, დარასელია. შეტევებში ნახევარმცველებიც მონაწილეობდნენ.

თბილისის “დინამომ” ქულაც ჩაინერა აგრესიული სტუმრის პრიზისთვის ბრძოლაში.

“ლელო”, 12 ოქტომბერი, 1975 წ.